

Stáhtaráđi ása hus

guolástusas

Stáhtaráđi mearrádusa mielde mearriduvvo guolástanlága (379/2015) vuodul:

1 lohku

Sállasii guoskevaš njuolggadusat

1 §

Ráfáidahtton guollešlájat ja -nállit

Čuovvovaš guolit leat ráfáidahtton:

- 1) dápmot sisčáziin govdotatgierddu 64°00'N lulábealde sihke mearas;
 - 2) luossa ja dápmot jogas ja ádjagis čakčamánu 1 beaivvis skábmamánu 30 beaivái;
 - 3) jávreluossa Vuoksi ja Hiitolanjoki čázádagas;
 - 4) jávreluossa jogas ja ádjagis borgemánu 1 beaivvis skábmamánu 30 beaivái;
 - 5) rávdu Kuolimos ja Saimaas Puumalansalmi ja Vuoksenniska gaskkas sihke eará sajis Vuoksi čázádagas čakčamánu 1 beaivvis skábmamánu 30 beaivái;
 - 6) hárri mearas;
 - 7) hárri govdotatgierddu 67°00'N lulábeale sisčáziin cuoŋománu 1 beaivvis miessemánu 31 beaivái;
 - 8) čuovža merrii luotti jogas ja ádjagis čakčamánu 1 beaivvis skábmamánu 30 beaivái;
 - 9) náhkkeguolli cuoŋománu 1 beaivvis borgemánu 15 beaivái; ja
 - 10) johkareabbá, dielkoreabbá ja baskkesskárrereabbá (*Astacus leptodactylus*) skábmamánu 1 beaivvis suoidnemánu 21 beaivái diibmu 12.
- Nuppeláhkai go ovdalis 1 momeantta 1 čuoggás mearriduvvo, de ráfáidahttin ii guoskka:
- 1) goargŋunbuoiddihis dápmohii;
 - 2) Suomaluvotta mearraguovllu olggobeale mearraguovlluide, mat leat guhkkodatgierddus 23°00'E nuorttasguvlui ja dan Hankoniemi lulágeaži riddosárgá ruossasastinčuoggás davásguvlui ja rádjášuvvet nannánriddui – ná lea ovdal jagi 2019;
 - 3) dápmohii, mii lea bivdojuvvon dakkár ádjagis dahje láddos, masa ii leat johtinoktavuohta mearas dahje jávrris.
- Nuppeláhkai go ovdalis 1 momeantta 3 čuoggás mearriduvvo, de ráfáidahttin ii guoskka goargŋunbuoiddihis jávrelussii earret kártačuvvosis oaivvilduvvon guovlluid geassemánu 1 beaivvis borgemánu 31 beaivái.

2 §

Guliid bivdomihtut

Luonddučáziin bivdojuvvon guolit galget deavdit čuovvovaš mihtuid:

- 1) luossa galgá leat uhcimustá 60 sentemehtera guhku;
- 2) jávreluossa galgá leat uhcimustá 60 sentemehtera guhku;
- 3) dápmot govdodatgierddu 67°00'N davábeale sisčáziin galgá leat uhcimustá 50 sentemehtera guhku sihke ovdalis 1 §:a 2 momellant 2 čuoggás oaivvilduvvon Suomaluoovtta olggobeale mearraguovllus sihke govdodatgierdduid 64°00'N ja 67°00'N gaskasaš sisčáziin uhcimustá 60 sentemehtera guhku;
- 4) rávdu Anárjávrris galgá leat uhcimustá 45 sentemehtera guhku ja Vuoksi čázadagas uhcimustá 60 sentemehtera guhku;
- 6) šudði galgá leat uhcimustá 42 sentemehtera guhku;
- 7) hárri galgá leat govdodatgierddu 67°00'N lulábealde uhcimustá 35 sentemehtera guhku ja davábealde uhcimustá 30 sentemehtera guhku.

Nuppeláhkai go ovdalis 1 momellant mearriduvvo, de luonddučáziin bivdojuvvon guolit galget deavdit čuovvovaš mihtuid:

- 1) luossa galgá leat govdodatgierddu 63°30'N davábealde Mearrabađas uhcimustá 50 sentemehtera guhku;
- 2) goargunbuoiddihis dápmot galgá leat uhcimustá 50 sentemehtera guhku;
- 3) dakkár ádjagis dahje láddos, masa ii leat johtinoktavuohta mearas dahje jávrris, bivdojuvvon dápmot oázžu leat eanemustá 45 sentemehtera guhku.

Nuppeláhkai go ovdalis 1 momellant mearriduvvo, de luonddučáziin guolástanlága (379/2015) 88 §:s oaivvilduvvon jovkui I gullevaš gávppálaš bivdi bivdin šudði galgá deavdit čuovvovaš mihtuid:

- 1) galgá leat uhcimustá 40 sentemehtera guhku Suomaluoovttas ja sisčáziin jagi 2018 loahpa rádjai;
- 2) galgá leat uhcimustá 37 sentemehtera guhku 1 §:a 2 momellant 2 čuoggás oaivvilduvvon Suomaluoovtta olggobeale mearraguovlluin jagi 2018 loahpa rádjai ja dan maŋŋá uhcimustá 40 sentemehtera guhku.

Guoli guhkkodat mihtiduvvo gáibegeažis čoahkkái čárvejuvvon beahceha geahčái.

3 §

ELY-guovddáža mearridan guvllolaš bivdomihtut

ELY-guovddáža guolástanlága 57 §:a vuodul mearridan guvllolaš bivdomihtut sáhttet leat eanemustá 20 proseantta stuorábut dahje uhcibut go 2 §:s mearriduvvon bivdomihtut.

4 §

Luosa ja jávreluosa sálašearit lustabivddus

Lustabivddus bivdi oázžu váldit sálašin eanemustá guokte luosa jándoris.

Lustabivddus Vuoksi čázadatguovllus bivdi oázžu váldit sálašin eanemustá ovtt 2 goargunbuoiddihis jávreluosa jándoris.

2 lohku

Bivdosiidda guoskevaš oppalaš njuolggadusat

5 §

Meroštallamat

Čázeoaifirpmiin oaivvildit čázeoaivái dahje lagabui go 1,5 mehtera duohkáii čázeoaivvis biddjojuvvon fierpmi.

Stuorramerddiin oaivvildit dakkár mearddi, rabasmearddi dahje eará sullasaš gokčanbivdosa, mas lea vuodđu ja mii oktan vuojahagain lea muhtun oasis badjel 1,5 mehtera alu.

6 §

Galljodaga mihtideapmi

Bivdosa galljodat mihtiduvvo vuovssa árpočuolmma guovddázis čuovvovaš čuolmma guovddázii. Bivdosa galljodat mihtiduvvo dakko, gokko bivddus lea buot baskkimus, ii goittot fierpmi badje- dahje vuollebealis dahje siidduin.

7 §

Bivdosiid merken

Bivdui biddjojuvvon giddes ja orru bivdosiid galgá merket:

1) čáhcejohtalusa geavahan čáhceguovlluin uhcimustá 1,2 mehtera čázeoaivvi bajábeallai badjáneaddji váhčosii giddejuvvon uhcimustá 20 sentemehtera allosaš ja govdosas njealjehasa hápmásaš lihpožiin;

2) čáhceguovlluin, main bivdosat eai várra headuš čáhcejohtalusa dahje čáhceguovllu eará geavaheami, uhcimustá 15 sentemehtera čázeoaivvi bajábeallai badjáneaddji govddohagain dahje uhcimustá 40 sentemehtera čázeoaivvi bajábeallai badjáneaddji váhčosii giddejuvvon lihpožiin, man oaneheamos siiddu guhkkodat lea uhcimustá 15 sentemehtera.

Jienja alde bivddedettiin bivddus ja bivdima várás dahkkojuvvon, čađamihtu dáfus badjel 40 sentemehtera rutniid galgá merket uhcimustá 1,2 mehtera jiekngagierragis badjáneaddji mearkaváhčosiin, mii ii oaččo leat vielgat.

Jos bivddus lea biddjojuvvon bivdui 1 momeantta 1 čuoggás oaivvilduvvon čáhceguvlui nu, ahte bivddus dahje juoga dan oassi ollá 1,5 mehtera lagabui čázeoaivvi (*čázeoaivvi lahkosis biddjojuvvon bivddus*), de váhčosii galgá giddet badjálagaidda guokte 1 momeantta 1 čuoggás mearriduvvon lihpoža. Jos čázeoaivvi lahkosis biddjojuvvon bivdosa guhkkodat lea badjel 120 mehtera, de dan johtinháltti galgá čájehit uhcimustá 15 sentemehtera čázeoaivvi bajábeallai badjáneaddji govddohagain guđege 120 mehtera nammii. Reabbámearddi sáhtá merket, almmá ahte 1 momeanttas mearriduvvon gáibádusat dan hehttejit, 1 momeantta 2 čuoggás oaivvilduvvon čáhceguovllus uhcimustá 5 sentemehtera čázeoaivvi bajábeallai badjáneaddji govddohagain.

Báttit, mat ovttastahttet bivdosiid merkemii adnojuvvon govddohagaid ja lihppováhčosiid, galget leat dakkárat ahte dat vudjot dahje galget dasto buddejuvvot. Ovdalis 1 momeantta 1 čuoggás ja 2 momeanttas oaivvilduvvon lihppo- ja mearkaváhčosiin galgá leat uhcimustá 2 sentemehtera allosaš šelggon, mii oidno buot siidduidda guvlui. Bivdosiid merkemii adnojuvvon govddohagat eai oaččo leat ráhkaduvvon čađachuovgi materiálas.

8 §

Badjel 10 mehtera guhkkosaš bivdosa dahje bivddusollisvuoda merken

Jos 7 §:s oaivvilduvvon bivddus dahje moanaid oktii gednojuvvon bivdosiid ollesguhkkodat lea badjel 10 mehtera, de 7 §:s mearriduvvon merkenvuogi galgá geavahit bivdosa goabbat geažis ja dárbbu mielde bivdosa suriid gežiin.

9 §

Bivdosa biddji oktavuodadieđut ja bivdorievtti čájeheaddji mearka

Bivdosa biddji namma- ja oktavuodadieđut sihke bivdorievtti čájeheaddji mearkka galgá giddet bivdosa olggumus govddohaga, lihppováhčosa dahje mearkaváhčosa oktavuhtii.

10 §

Bivdosiid gaska

Mearas oktasáš čáhceguovllus troledettiin ii oaččo mannat 100 mehtera lagabui nuppi bivdi stuorramearddi.

Čázeoaifirpmiiguin dahje stuorramerddiin ii oaččo bivdit 200 mehtera lagabus nuppi bivdi stuorramearddi dan siiddu bealde geahčadettiin iige 100 mehtera lagabus dan bađa, jos stuorramearddi hálldašeddji ii leat addán dasa lobi.

3 lohku

Johttiguliide guoskevaš njuolggadusat

11 §

Johttiguollečázadagat

Johttiguollečázadagaide gullet guolástanlága 64 §:a 1 momeanttas oaivvilduvvon čáhceguovlluid lassin huksejuvvon johka- ja ájačázadagat, main leat johttiguolit.

12 §

Fierbmebivdui guoskevaš njuolggadusat

Johttiguollečázadahkii gullevaš jogas fierbmebivdu lea gildojuvvon borgemánu 15 beaivvis skábmamánu 30 beaivái.

Luosa mearas bivddedettiin fierpmi galljodat galgá leat uhcimustá 80 millimehtera.

Dápmoha ii oaččo bivdit mearas čázeoaifirpmiin.

Fierpmi galljodat galgá leat mearas čuovžža bivddedettiin:

1) govdodatgierddu 64°00'N davábealde uhcimustá 27 millimehtera ja eanemustá 30 millimehtera dahje uhcimustá 43 millimehtera;

2) govdodatgierdduid 64°00'N ja 63°30'N gaskasaš mearraguovllus uhcimustá 30 millimehtera ja eanemustá 35 millimehtera dahje uhcimustá 43 millimehtera;

3) govdodatgierdduid 63°30'N ja 62°30'N gaskasaš mearraguovllus uhcimustá 40 millimehtera;

4) govddodatgierddu 62°30'N lulábealde uhcimustá 43 millimehtera.
Čuovžža fierbmebivdun gohčodit dakkár bivddu, mas sállasa deattus uhcimustá bealli lea čuovža.

13 §

Stuorrameardebivdui guoskevaš njuolggadusat

Stuorramearddi geavaheapmi luosa ja dápmoha lustabivddus lea gildojuvvon.
Luosa mearas bivddedettiin stuorramearddi galljodat galgá leat guollebeasis eanemustá 40 millimehtera ja dan eará oasi galljodat galgá leat juogo eanemustá 40 millimehtera dahje uhcimustá 150 millimehtera dahje dan gođa galgá leat ráhkaduvvon nu ahte guolit eai čárja dasa.

14 §

Vuoksi čázádahkii guoskevaš bivdogieldu

Bivdu govddohagaiguin čázeoaivvi lahkossii dahje gaskačáhcai biddjojuvvon guolleseakteánkorbivdosiin lea gildojuvvon Vuoksi čázádagas kártačuvvosii merkejuvvon guovlluin sihke Kuolimos.

15 §

Gilvvaguliid merken

Uhcimustá jagi boarisin gilvvadápmohiid, -luosaid ja -jávreluosaid goarggunbuoidi galgá jagi 2017 rájes čuhppojuvvot eret.

Ovdalis 1 momeanttas merriduvvon geatnegahttin ii guoskka ELY-guovddáža dohkkehan ealáskahttin- ja máhcahangilvimiidda.

4 lohku

Bivddu goziheapmi

16 §

Bivdogoziheaddji oahppu

Bivdogoziheaddji oahpuin geahččalit addit olbmui gearggusvuodaid čájehit bivdogozihanis-kosa čadahemiin dan, ahte sus leat dárbbášlaš dieđut ja daiddut bargat bivdogoziheaddjin.

Bivdogoziheaddji oahpus galgá oahpásmuvvat čuovvovaš oahppofáttáide:

- 1) bivdui ja bivdogoziheapmái guoskevaš láhkamearrádusaide ja virolášvuodaide;
- 2) hálldahuslága (434/2003) mielde dāhpāhuvvi buori hálldahussii guoskevaš vuoddon-juolggadusaide, mat bidjet eiseválddiid doibmii kvalitehta dāfus uhcimusgáibādusaid, sihke bivdogoziheaddji eará bargui gullevaš hálldahusbargguid dikšumii guoskevaš láhkamearrádusaide;
- 3) eiseválddi doaimma almmolašvuodas addojuvvon láhkii (621/1999);
- 4) giellaláhkii (423/2003) sihke sámi giellaláhkii (1086/2003) doppe, gos dárbbášuvvo sámegiella;
- 5) áššehasbálvalandáidduide;
- 6) dorvvolaš johtimii čáziid ja jieŋa alde; ja
- 7) ovttasbargui eará bivdogozihaneiseválddiiguin.

1360/2015

Oahpus galgá giddet erenoamáš fuopmášumi bivdogoziheaddji vuoigatvuodaide ja geatnegasvuodaide.

17 §

Bivdogozihaniskkus

Bivdogozihaniskkus lea čálalaš iskkus, ja dasa galget gullat gažaldagat bivdogozihanoahpu buot oahpposurggiin. ELY-guovddáš mearrida dákkár iskosa sisdoalus.

18 §

Fápmuiboahtin

Dát ásahus bohtá fápmui ođđajagemánu 1 beaivve 2016.


Helssegis skábmamánu 26 beaivve 2015

Eanadoallo- ja birasministtar Kimmo Tiilikainen

Guolledoalloráđđi Eija Kirjavainen

Liite

Asetuksen 1 §:n 3 momentissa tarkoitettu rasvaeväleikatun järvilohen rauhoitusalue 1.6. - 31.8. sekä 14 §:ssä tarkoitettu alue, jossa kalastus kohojen avulla pinnan läheisyyteen tai väliveteen asetetulla kalatäkyisellä koukkupyödyksellä on kielletty



Karttalähteet:
 © Maanmittauslaitos (rantaviiva-aineisto)
 © Karttakeskus (Tiekartta 1:200 000)

